

四庫全書

子部

欽定四庫全書

六藝之一錄卷一百一

錢唐倪濤撰

石刻文字七十七

宋王象之輿地碑目

臨安府碑記

吳大帝黃武二年刻字 在栗山

東晉孫文度鐫石銘 在富陽縣之鷄籠山義熙八年

立

隱士郭文碑 在臨安縣湖州刺史孫彭立

天竺靈隱二寺記 臨安志云寺記陸鴻漸文僧遵式

立復州圖經云陸羽嘗過錢唐撰天竺靈隱二寺記

冷泉亭記 唐長慶二年白居易文

西湖石函記 唐史長慶四年白居易文

胥山碑銘 元和十年盧元輔文王適書

佛說尊勝陀羅尼咒 牛僧孺八分書

唐龍興寺碑 即今祥符寺也景龍四年盧李詢書

華嚴元覺法師碑 褚庭誨書

任道真題李涉碣後

舊在祥符寺

皋亭神祠 牛僧孺書

唐徑山禪師碑 九域志云崔元輪李吉甫詞

唐和州刺史凌準墓誌 在新城縣唐柳宗元文

餘杭縣令劉允恭德政碑 晏公類要云劉令蒞事詳

明臨下清簡人懷其惠吏畏其威

陳允昇德政碑 晏公類要云在餘杭縣唐大曆四年

立中書舍人李紆文

前縣令李復碑 晏公類要云在餘杭縣上元二年立
祕書郎蔣志文

赤松銘 晏公類要云在富陽縣又云赤松子駕鶴停
此山

唐縣令丁君德政碑 晏公類要云在於潛縣西市內
唐麟德二年立

石壁法華經記 在廣化寺唐元稹文

真聖觀碑 在天慶觀開元二年刻

梁簡文石像記 在靈隱寺

司空相國詩 在靈隱寺

唐嵩嶽大師影堂記 在靈隱寺

鳥窠禪師塔銘 在定業院

唐白舍人鳥窠禪師問答頌 在定業院

唐宣宗悼安國寺悟空禪師碑 在鹽官縣

悟空禪師行業碑 唐咸通二年盧求文

淨明院功業碑 在臨安錢肅王書

崇覺院錢武肅開山碑 在臨安縣

錢王建興教寺記 在本寺

吳越王立功碑 在臨安縣乾化三年立

吳越王生祠碑 在臨安縣李淇撰乾化三年立

錢塘龍王廟碑 錢塘有西湖廣潤龍王廟碑云錢鏐

正明二年建

觀音尊聖幢 在九里松寶大二年建

貢院前橋柱 刻云寶正六年歲在辛卯造此錢王三年號曰天寶曰寶大曰寶正皆錢王年號也又臨安府石屋崇化寺尊勝幢云時天寶四年歲次辛未以正月考之非唐之天寶乃錢王之年號耳蓋梁以丁卯篡唐武肅是歲猶稱唐天祐四年戊辰乃自稱年號曰天寶元年則天寶四年辛未乃梁之乾化元年也事見洪邁隨筆又通鑑唐明宗天成二年吳越王錢鏐以中國喪亂朝會不通乃改元寶正其後復通

中國乃諱而弗稱

杜太師稜築城記 在新城縣寶大元年羅隱文

羅給事墓誌 在新城開平四年沈松文

吳越武肅王神道碑 在臨安縣楊凝式撰長興二年

立

龍興寺華嚴經石記 寶歷三年九月二十五日蘇州

刺史白居易撰寺僧南操立

胥山銘 集古錄云唐盧元輔撰王通書山有子胥廟

故以為名元和十年立在杭州

元覽法師碑 集古錄唐徐安正撰褚庭誨書碑以開

元二十三年立在杭州

嘉興府碑記

秦始皇碑 九州要記云始皇登秦望山以望海今始

皇碑在嘉興縣北

六里山石刻 在海鹽刻云天冊元年旃蒙協洽之歲

孟冬陽月日惟壬寅朔石簣神遺忽自開發拾得青

玉璽蔣文吳直黃帝共三十八字

秀道者塔碑 張伯玉百韻詩序云今有塔銘存焉

東漢烈士沈光書迹石刻 張伯玉百韻詩注云在聖

果寺

周氏墓碑 在海鹽唐正元十四年汝南縣君周氏墓

誌銘附於嘉興縣東界海鹽縣齊景鄉

寶花尼寺碑 今碑刻猶存僅可讀大厯丙申歲夏五

月七日

崇福園寺記 在崇德縣西八十步有唐無著禪師贊

寧碑記

陸府君碑 在海鹽縣北五十五里當湖寺近得一石刻乃唐吳郡陸府君墓銘

齊景公廟碑 在海鹽縣齊景鄉唐貞元十四年汝南縣君周氏墓誌銘附於嘉興縣東界海鹽縣齊景公鄉

華亭吳征北將軍碑

宣城内史碑

嘉禾王總管守城記 侯渙文

曹史君廟記 吳感文

高史君廟記 崔拱臣文

靈光寺僧靈祐塔銘 沈亞之文

寶雲寺碑 在華亭縣南三十五里大唐蘇州華亭縣

顧亭林市新創清雲禪院記 大中十四年歲在庚辰

吳興沈斌述并書又亭林法雲寺感夢伽藍神記又

開運元年造寺成二僧夢云梁朝侍郎至忽見紫衣
曰此吾故宅也明夜復夢云但尋古碑文為據明旦
求之果有碑文云寺南高基顧野王曾於此修輿地
志遂建屋立像曰顧侍郎祠慶厯六年記云

資聖院碑 在嘉興縣唐宣宗書字額尚存

萬年宮額 天祐元年武肅王重書額見存

天慶觀碑 掘得二小石刻其一北極殿記知州宋坦
雍熙三年記并銘解九皋擬徐鉉茅山許長史并銘

為之

石篆書三十六字 吳歸命侯天冊元年刻在海鹽之
六里鄉

開元宮梁朝繪七寶上帝像 乾道中開齋堂掘得二
小石刻其一北極殿記知州宋坦記

嘉禾記并詩 郡守張元成序

武原志 即海鹽圖經令蘇養直序

雲間志 華亭令 偕編

安吉州碑記

漢故梁相費府君碑

在墨妙亭集古錄隸釋不著書

撰人名氏碑不載其鄉里及刻石年月

漢故堂邑令費君碑

在墨妙亭又一碑亦在號三費

碑

漢費鳳碑

集古錄云漢石勸撰隸書不著名氏文悉

為五字句亦無年月

吳大帝廟碑

吳赤烏年立

晁公武合州廳壁記云

刺史廳壁記始於唐而顧況元吉之文最為著按湖州所記五百餘人而名德如謝安石顏清臣之徒傑然表見於史籍者凡數十公故其地冠簪之盛常數天下三分之一

白蘋洲五亭記 在墨妙亭唐白居易撰馬續書開成四年建又見金石錄

白蘋亭記 在墨妙亭唐李直方撰史鐫書元和元年作

白蘋洲記

在州大廳壁中中和五年刺史孫儲撰王

溥書

湖州紀功記

在甲仗庫元和中紀刺史辛秘平李錡

也

吳文皇帝廟碑

在廟中唐安定中胡季良撰太和中

立

大寧寺建功德碑

在報恩寺韓覃撰徐浩書大厯六

年建

袁高茶山述

在墨妙亭唐于頔撰徐璣書述刺史袁

高所作茶山詩集古錄云唐袁高撰徐璣書湖州之
顧渚山歲修茶貢高為刺史而作是詩其後于頔得
之於壞垣為之序而刻之正元七年立 又碑陰
李吉甫撰貞元十年建

烏程令韋公德政碑

在烏程縣治唐至德二年沈務

本撰沈仲昌書

沈府君墓銘

在墨妙亭乾元元年韋卓撰并書

胡夫人墓銘 在墨妙亭天復三年于景休撰并書

金氏墓銘 在墨妙亭李翊述并書

吳氏墓銘 在墨妙亭太和九年胡季良書

斷碑二 在墨妙亭一咸通五年于僧翰書一乾元元

年鄔彤書

唐太光和尚神異碑 在烏程法華寺乾寧中李紳書

唐丞相李紳墓碑 在烏程山裏乾寧三年立

唐太光和尚道蹟碑 在烏程法華寺

唐吳興邱氏墓碑

在烏程縣西雲水鄉林谷元和四

年立

唐古山索靖廟碑

在烏程本廟

唐重置興國寺碑

在歸安縣無為寺

唐永興僧伽和尚碑

在歸安縣鹿苑寺元和九年立

唐永興寺冥道記

在歸安縣鹿苑寺咸通四年

崔祐甫銘

崔植誥

長興縣崔趙村在晝畫溪之右

崔即唐相祐甫之後家藏韓愈所作祐甫墓銘又藏

崔植崔遯等誥數軸

陳周弘正報德寺碑 在長興縣大雄寺

陳徐陵報德寺塔銘 在長興縣大雄寺子院

陳孝義寺碑 晏公類要云徐陵撰在卞山下今在墨

妙亭

唐太宗御製聖教序 在墨妙亭

唐開元皇帝封文宣王詔 在州學

勅天下放生池碑 舊在文宣王廟今在魯公祠集古

錄云唐顏真卿撰并書肅宗乾元二年詔天下自山南至浙西臨江置放生池八十一所真卿為天下放生池銘池上之碑以大厯八年立

顏真卿集唐肅宗御書題碑額 集古錄云肅宗批荅御書顏真卿表以上元元年上碑以大厯九年立集古錄云乞御書批額碑陰記顏真卿貶不果立至大厯中為湖州刺史始追建於州之駱駝橋東集批荅御書字以為額又序其事於批荅碑陰以大厯九年

刻

勅書褒戰功記 在甲仗庫前唐憲宗賜刺史辛秘及

慰問將士詔書

封崇孔宣父故事 在州學元和四年記

德本寺碑 在文宣王碑陰胡季良撰

文宣王新廟碑 在州學唐大中間鄭言撰并書記刺

史令狐綯作

射堂記 在墨妙亭集古錄云唐顏真卿撰并書碑石

缺不可考以大厯十二年立又云右射堂記顏真卿所書刻于石者

項王廟碑陰 集古錄云顏氏殘碑唐顏真卿書并項王碑陰記附殘缺不全而事迹可見碑陰真卿重建項羽廟碑以唐大厯七年間刻

項王蔬食文 在墨妙亭

千祿字書碑二 一在墨妙亭一在魯公祠集古錄湖州顏魯公石記云唐人筆記見於今者惟公最多其

在湖州所書為世所傳者惟干祿字書放生池尚多
見于人家而干祿字書乃楊漢公摹其真本以訛缺
遂不復傳獨予集錄有之惟好古之士能知前人用
意之深則其湮沈磨滅之餘蓋尤為可惜也

湖州石記 集古錄云碑字殘闕不見年月及書人姓
名驗其字畫蓋顏魯公書也

石柱碑 舊在烏程縣西南三十里之杼山今在墨妙
亭又斷碑二亦載顏真卿書

晉吳興太守謝公碑 在墨妙亭唐裴清撰僧道銑書

大歷七年建

太守歷官記 在墨妙亭自晉王逸少洎陳任忠凡四十四人

湖州刺史題名記 唐光德元年李紆撰後記正元十六年顧況撰又後題正元十七年刺史李詞

靈皎城山寺碑 在長興縣慈氏院元和中撰

唐沙門靈皎魚陂明禪師塔銘 在長興縣空隱院

晉謝太傅塘碑 舊碑在謝公鄉顏真卿取舊史遺文
刻石而書其陰今碑在墨妙亭

唐大慈寺鐘記 在本寺唐縣令韓章撰

吳興雜錄 唐志張文規作

吳興記 山謙之作

吳興錄 韋昭作

吳興山墟名 張元之作又云晉吳興太守王韶之撰

三吳土地記 顧長生作

吳興志 陸羽作

吳興統記 景德中湖州攝長史左文質纂

吳興詩集 熙寧中知州事孫覺裒次自晉至唐詩凡

二百首

武康土地記 沈常擬

餘英志 慶元中進士劉瞳撰

吳興詩 金大亮序

吳興續圖經 紹興中編

吳興志舊編 淳熙中教授周世南撰

平江府碑記

朱衣墓碣 在吳縣西穹窿山碑已漫滅其可讀者云
世居下邳自平始二年避地至此

包山神景觀林屋洞碑 唐開成三年建

報恩寺惠敏律師碑銘 台州刺史張諫撰蘇州刺史

元錫書

天台大德元浩和尚靈塔頌 太原少尹崔恭撰

城隍廟碑

吳郡志云城隍廟其初春申君也唐碑具

在

孟郊張祐留題

吳郡志云崑山古上方有孟郊張祐

留題

畫龍記

在長洲縣廳事李紳記

周先生住山碑

在洞庭山唐令狐楚撰

楞伽寺石記

在吳縣橫山下山巔有塔隨時所建石

記存焉旁有巨井石欄欄側有隋人記刻

龍興寺碑

在吳縣西南紹興間瓦礫中得房琯所作

寺碑

興福寺記

在常熟縣西北九里唐寺記云始于齊始

興五年按齊無始興年號但有延興中興二號皆止
一年流傳之誤如此既是唐碑姑存之

寶積寺塔

在橫山下山頂有塔隋人所書塔銘碑石

全好字畫秀整而絕類虞褚

顏真卿虎邱詩刻

唐詩紀事二十四卷吳門有清遠

道士周恭子遊虎邱山其辭自商周歷近代抑二千年來矣鬼神耶隱士耶莫能測也辭藻健拔魯公愛之刻於巖際

江總碑 唐詩紀事三十卷由發送司空曙之蘇州詩云若到仁霞寺應看江總碑

寶花寺碑 集古錄一百四十五唐鄒儒立撰于頓書陸齊望有女為尼齊望捨宅為寺子謂等以永正二年造寺始成立此碑在蘇州長興縣

春申君廟記 集古錄三百二十八趙居正撰史惟則

八分書并篆額碑以天寶十年立於蘇州

重玄寺法華院石壁經碑文 太和三年春郡守白居易

易記

南禪院千佛堂轉輪經石記 開成二年二月一日白

樂天撰

皇甫湜顧況詩集序 序云吳中山泉氣狀英淑怪麗

太湖異石洞庭朱實華亭清唳與虎邱天竺諸佛寺

鈎綿秀絕君出其中間翕清輕以為性吸冷淡以為
質唼鮮榮以為詞偏得於逸歌長句駿發踔厲往往
若穿天心出月脇意外驚人語非尋常所能及最為
快也李杜已死非君誰與況字逋翁

常熟唐古碣 韓皋元和三年

松陸集 陸龜蒙 圖經 李宗諤修定

續志 朱長文編 新志 范成大編見言行錄

松江詩集 何拔撰 松江詩後集 胡份序

重廣松江集 石處道序

常州碑記

陽羨山封禪碑 雲麓漫抄云吳志天璽元年吳興陽
羨山有空石長十餘丈曰石室郡表為瑞遣兼司徒
董朝兼太常周處封禪國山大赦改明年為天紀即
前所云水洞是也山後有封禪碑土人目曰國碑以
其石圓入出如米廩云其字畫奇古歲久多磨滅

隋陳司徒告身 集古錄隋大業十一年陳果仁告身

妻軫靜捨宅造寺無書人名氏捨宅疏稱明政二年者李子通年號也今在武烈帝廟

吳國山碑 集古錄云不著撰人名蘇建篆歸命碑天冊元年得玉璽刊石告禪于國山之陰其所述瑞應凡千有二百餘事

善權寺詩靈巖瀑布記 集古錄云羊士諤遊善權寺詩康仲雍游靈巖瀑布記鄭薰雪霽開溝詩附善權寺詩元和十三年刻李飛書在常州

無錫銘 毘陵志無錫縣下曰樵者於山下得銘云有

錫兵天下爭無錫寧天下清有錫珍天下弊無錫文

天下濟

唐賀蘭夫人墓誌 集古錄云正元九年唐陸贄撰或

曰贄書也題曰秘書監陸公夫人墓誌銘而贄自稱

姪曾孫

唐東山亭記 韋夏卿撰

張公洞唐人留題

唐李相家山碣 在慧山中唐相文肅公紳常業於此

因名李相家山乾符末孫渭南尉直史館睿立此記
事見晏公類要

韓熙載靈洞觀記

登仙觀碑

晉右將軍曹橫墓碑 在晉陵縣東三十五里有徐鍇
碑云晉右將軍曹橫所葬因名橫山

鎮江府碑記

季札廟碑 九域志云吳季札廟內有唐刺史某人刊

夫子十字碑

吳季子銘 集古錄云篆書凡十字曰嗚呼有吳延陵
季子之墓張從申記以為孔子書碑文湮沒玄宗命
殷仲容摹搨大厯十四年蕭定重刻于石并貞元二
年鄭播謁孔子廟題名建中元年盧國遷建碑記及
從申書附

梁招隱剎銘 集古錄云梁晉安王蕭綱撰不著書人

名氏梁招隱刹銘王所建也王後即位為簡文帝碑
以普通三年立

梁太祖文皇帝神道碑 在丹徒縣之三城巷文帝陵
下鎮江志云歐公集古錄以為宋文帝碑非也蓋宋
文帝自葬蔣山見於沈約宋書明甚第見此八字與
宋文帝諡號偶同遂指為宋帝而不知其為梁武帝
之父追尊之號亦同

唐蔣防鹿跑泉詩 晏公類要云在丹徒縣東南七里

招隱寺舊經云宋戴顓嘗居於此後以宅為寺有張祐留題詩有鹿跑泉唐蔣防為泉銘尚存

李德裕玉蘂花詩 類要云在丹徒縣東南七里招隱寺寺內有李德裕玉蘂花詩刊石在焉

紫府觀記 在金壇縣馬跡山有唐上元令王仲康記
集仙觀記 在丹徒縣東南二十五里有廣明初士人張彥為之記

唐忠烈公新廟記 在廟內顧雲文

唐魏法師碑 在仁靜觀胡楚賓文

洞虛觀記 舊在延陵縣陶村陶隱居之故廬也有長慶中石記存焉

唐戴叔倫神道碑 在金壇縣南三里梁肅為神道碑
唐祐順王廟先天碑 在府治後圃即漢荆王劉賈廟
也有唐先天二年石刻

武烈帝廟碑 廟在城南一里即隋司徒陳果仁之廟
也唐封為武烈帝命徐鉉作碑

唐潤州陀羅尼經幢 歐陽公集古錄云右陀羅尼經幢今在潤州寶墨亭中唐雲陽野夫王奐之書字畫頗為世所重

瘞鶴銘 歐陽公集古錄云華陽真逸撰刻於焦山之足常為江水所沒好事者伺水落時摸而傳之往時祇得其數字云鶴壽不知其幾而已余所得六十餘字獨為多也按潤州圖經云為王羲之書字亦奇特然不類羲之筆法而類顏魯公不知何人書也華陽

真逸是顧況道號今不敢遂以為況者以碑無年月不知何時疑前後有人同斯號者也

麒麟碑 寰宇記云梁簡文帝陵有麒麟碑尚存

岑植德政碑 集古錄云唐張景毓撰僧翹微書碑以景龍二年立在潤州

太清宮鐘銘 集古錄云唐馮宿撰柳公權書太和五年刻在永興華中允墓誌附碑石漫滅咸通八年立下泊宮記 集古錄云唐王師簡撰道士任參元書下

洎故茅君宅也在三茅山下元和中薛華修以為宮
并立茅君像焉以元和九年立記

韓晉公春秋通例刻石 陸龜蒙作皇甫先生傳云正
元中韓晉公嘗進春秋通例刻之于石注云今在潤
州大宣王廟

顏魯公問李太保大夫乞米帖并范仲淹題跋石本
在延陵季札廟中

練胡碑 雲麓漫抄云練胡碑南唐時立

唐潤州圖經 鎮江志云唐孫處元所作也

舊記 唐山謙之劉損之孫處元皆作

鎮江志 熊克編 潤州集 曾牧序

嚴州碑記

朱買臣祠堂記 唐太守李頻撰

靈巖記 集古錄不著書人名氏大歷十二年刻石

睦州大廳記 集古錄凡二本其一唐元和七年李道

古撰其一皇朝刁衍撰自唐顯慶至中和刺史一百

一十五人皇朝太平興國中知州事二人題名書皆一體不著名字雍熙二年刻

浙東觀察判官廳壁記 李元賓文

睦州錄事參軍廳壁記 元和八年皇甫湜撰

桐廬縣篆額 江南徐鉉篆張伯玉曰士大夫仕東南者至桐廬則見徐君之篆

范仲淹釣臺記 容齋五筆云范文正公守嚴作嚴先生祠堂記其歌詞曰雲山蒼蒼江水泱泱先生之德

山高水長旣成以示南豐李泰伯泰伯請換德字作
風字公凝坐頓首殆欲下拜

新定志 紹聖間太守董弁編并序淳熙中太守陳公

亮重修劉文

闕

作序

嚴陵志 紹聖間董弁編并序

江陰軍碑記

季子墓銘 有十大字云嗚呼有吳延陵季子之墓按
歐陽公集古錄云季子墓銘相傳以為孔子所書張

從申記云舊石湮沒開元中玄宗命殷仲容摸搨其書以傳然則開元之前已有本矣

崇聖院銅鐘銘 唐太子弘冀所置題云賜江陰崇聖院今在乾明寺

通元觀銅鐘銘 唐開元十五年陳郡袁懷先撰

季子神賽雨記石文 唐天寶五載趙晉甫撰張獠書

重建興建寺碑 唐太和二年郁羣老撰今在慈雲寺

天祐二年築城記 見祥符圖經

釣臺寺石幢 由里山之東堂有碑刻二經幢磨滅不

審歲月

武烈大帝廟碑 在天慶觀之西有顧雲為銘南唐封
為武烈大帝命徐鉉撰碑文頃歲修廟得唐侯象所
立碣于地云皇唐長州江陰縣司徒陳公廟碣銘其
文字漫滅不可讀

南唐重光院銘 乃今能仁院僧自西撰題云大唐都
省江陰縣重光院保大三年銘

光瑛院瑞像殿記 南唐保大六年僧崇肇撰今在明

教院

招隱院鐘樓記 南唐保大十一年丁道弘撰今在悟

空寺

明教院釋迦殿記 天聖三年范仲淹撰

文宣王廟記 景祐三年范仲淹撰

紹興府碑記

薦嚴寺碑 在諸暨之薦嚴寺開元二十一年康希銑

撰徐嶠之書

秦望山法華寺碑

在天衣寺開元二十三年李邕撰

并書

元嚴禪師戒壇碑

在天衣寺天寶十五年徐浩書

康希銑墓碑

在山陰蘭亭其碑顏魯公撰并書

會稽山永興公祠堂碣

貞元元年

大覺禪師國一影堂碑

在府城大慶寺貞元元年

貞元題名

在府治卧龍山磨崖

復禹袞冕并修廟記 在禹廟元和元年碑陰有薛革

祈雨唱和詩

建南鎮碣記 元和十年孟簡撰

禹廟題名 元和十一年張良祐孟簡等十一人

崔闕謁禹廟詩 元和十一年又宋之問等詩附

又題名三人 元和十一年鄭逋劉茂孫

庾肩吾孟簡禹廟詩 元和十年

禹穴碑 元稹銘寶歷景年 禹穴碑陰 元稹并寮

屬十一人

元威明陽明洞天詩 太和三年立石龍瑞宮

白居易陽明洞天詩 太和三年

寧責禪師塔銘 太和二年建塔在山陰昭福寺

修龍宮寺碑 在嵯縣太和九年李紳撰

題法華寺詩 李紳撰歐陽公集古錄云李紳自序云

太和甲寅遊寺刻石詳自序所言似紳自書然以瑞

州題名較之字體殊不類甲寅太和八年也

古羅漢塔記

開成二年建在餘姚縣

奚獎尊聖經

開成四年建在餘姚縣

奚獎尊聖經行書序

會昌元年建在戒珠寺

靈應廟碑

會昌元年建在錢清鎮祠下

京兆阿史那夫人墓誌

會昌三年石在府城

大中禹跡寺勅

碑立在本寺

勅賜大中聖壽寺額六字

柳公權書

戒珠寺記

咸通三年

平察微墓誌 咸通三年石在諸暨縣

大慶寺尼粥田記 咸通三年

大慶寺復寺記 咸通十一年立容齋隨筆云孫汝玉

記

王銷書尊聖經 咸通十三年在戒珠寺

王修已書尊聖經 咸通十五年在禹跡寺

王右軍祠堂記 無歲月在戒珠寺

吳越武肅王廟碑 廟在府南四里乃皮日休之子光

業詞也

吳越忠懿王貽書石刻 在會稽縣南十里之雍熙院

越王碑 九域志

江淹碑 晏公類要云在州北八里

元儼律師碑 集古錄云唐萬齊融撰徐浩書天寶十

五年立

戒珠寺碑 集古錄云唐趙璘撰貝靈該八分書會昌

中廢宣宗初復立碑以咸通元年立

法華寺詩 集古錄云唐李紳撰徐浩書太和八年刻

石

薛革唱和詩 集古錄云唐薛革詩不著書人名氏崔

述等凡十七首

秦刻石 劍南詩藁登鵝鼻山至絕頂訪秦刻石有詩

沃州山禪院記 晉宋以來有羅漢僧西天竺人帛道

猷居焉次有高僧竺法潛支道林居焉又有乾興淵

支遁開成蘊崇實光識裴藏濟度逞印凡一十八僧

居焉高士名人有戴逵王洽劉恢許元度殷融郝超
孫綽栢彥表王敬仁何次道王文度謝長霞袁彥伯
王濛衛玠謝萬石蔡叔子王羲之凡十八人或遊焉
或止焉

六藝之一錄卷一百一

欽定四庫全書

六藝之一錄卷一百二

錢唐倪濤撰

石刻文字七十八

宋王象之輿地碑目

慶元府碑記

董孝子廟記 唐崔殷作董孝子廟記云隳後漢人孝
行著於鄉邑孝和召拜郎中不起厥後世為名族故
以董孝子名鄉

棲霞觀碑 在象山縣有唐大中元年碑孫諫卿撰

等慈院釋迦殿記 在象山縣宋元嘉二年置有釋迦

殿記方豫撰

龍壽院記 在象山今名延壽院漢乾祐二年置有記

洋山廟記 在定海縣東北五里唐大中間黃洽記

唐心鏡大師舍利塔銘 在鄞縣之崇壽寺刺史崔琪

狀其事

崇壽寺額 在鄞縣唐相裴休書

明州額 舊錢氏書

奉國軍額 太守潘良貴書

文宣王廟碑 在州學火損其半

裴公德政碑 李陽冰撰在衙門內

唐刺史王審德政碑 李舟文李陽冰玉筋篆今在郡

樓下

柳公權書金剛經 在州治之進思堂

應天德潤寺碑 在慈溪縣唐乾符中僧文義大師清

晏撰

唐李華撰左谿大師塔銘 在慈谿縣之普濟院

雲漢廣福教院記 在慈溪縣唐光化二年楊適撰

開元寺碑 在鄞縣南二里寺有二碑其一李頻文其

一陶詳校文韓擇木書

小字道經小字德經 集古錄唐明皇注八分書不著

名氏開元十七年立

台州碑記

天台觀葛仙翁篆 晏公類要云吳赤烏元年為葛仙翁所建其額即仙翁親篆

齊桐柏山金庭館記 集古錄云南齊沈約造兒珪之書永泰中因地名建館曰金庭宮置道士十人蓋道士自敘之言非約所撰其謂之造者疑如後世立碑之類耳碑以永元三年立

桐柏觀勅 唐景雲二年

桐柏頌 集古錄唐崔尚權文韓擇木八分書碑天寶

元年立

修桐柏宮碑

集古錄唐元稹撰顏顥書景雲中道士

徐雲府等重葺碑以太和四年立

國清寺記

唐柳公權書額

老君真容碑

唐開元二十九年在州天慶觀內

佛窟禪師碑

唐太和六年在天台縣

道元院碑

在天台唐乾符二年

天台禪林寺碑

唐元和六年在大慈寺

智者大師修禪林道場碑 唐元和二年在大慈寺

禪林寺智者大師畫讚 在天台縣唐大厯中顏真卿

文

隋陳司徒廟碑 唐乾符二年在本州廟中

台州刺史杜雄廟碑 唐文德元年碑陰有蔡大王廟

記今在臨海蔡王廟中

台州司馬韓光乘真讚 唐先天元年在崇道館

杜夫人墓銘 唐光化二年在臨海縣

金像寺幢 在仙居縣西三十五里歲久無碑識惟石
幢歸然唐垂拱三年立

吳越王題梁 州城之甍率寺有廣順年間吳越王題
梁

上清閣唐人題梁 在崇道院

吳越錢氏用契丹會同年號 臨海慶恩院及定光院
皆書曰石晉會同元年建臨海明智院及明恩院皆
書曰石晉會同中建而通鑑石晉無會同年號及發

州圖經義烏真如院亦云吳越錢氏會同十年建而
吳越止有寶大天寶保正之三號亦無會同象之謹
按東都事畧載遼主德光以天福三年改元會同至
開運四年南牧歷年圖載天福三年歲在戊戌而會
同十年歲在丁未是歲正德光南牧之時去天福三
年整整十載意者錢氏奉德光之正朔則丁未之歲
乃契丹會同十年然婺州真如院書會同十年建尚
是契丹入汴之時恐吳越奉其正朔若赤城志所書

會同元年則正是石晉天福三年晉高祖尚都汴為
中國主不應錢氏乃越石晉而奉契丹正朔也北之
婺州真如院所書年月無據當考

天台集

李蕙序

續集

李子長編李蕙序

舊圖經

教授余嘉編

赤城志

陳耆卿編

温州碑記

僧元覺神道碑

在永嘉縣之淨光先天寺元覺葬於

是山有括州刺史李邕所作神道碑

淨居尼元機圓明塔碑 在永嘉縣之淨居尼禪寺其

碑先天中立

石室碑 在永嘉縣應符鄉大羅山之石室上有石夫人及古石碑在天柱寺後

仙巖寺碑銘 司空表聖文

海濤志 集古錄云海濤志濤厯日時濤期朔望體象春秋仲月漲濤解凡六篇唐竇叔蒙撰其說以月眺胸候濤汐之進退并竇氏濤日時疏一篇孟簡撰皆

陶愬書朱巨川題額不著刻石年月在温州

游仙記 唐著作顧況游仙記曰温州人李庭等大厯六年入山斫樹迷不知路逢見淙水淙水者東越方言以挂泉為淙中有人煙鷄犬之候尋聲渡水忽到一處約在甌閩之間云古莽然之虛者好田泉竺果藥連棟駕險三百餘家四面高山迴環深映有象耕鴈耘人甚知禮野鳥名鴈飛行似鶴入人舍中惟祭得殺无故不得殺殺令地震有一老人為衆所伏容

貌甚和歲出數百疋布以備寒者乍見外人亦其驚
異問所從來袁紹賊平未時政何若具以實告因曰
願來就居得否云此間地窄不足以容為致飲食申
以主敬旣而辭行斫樹記道還家及復前蹤羣山萬
疊不可尋矣

永寧編 陳謙所述留元剛序云是編非取夫搜撫新
故誇詡形勝而已事變之會風俗之趨蓋將有考焉
觀敘州自晉以來守凡幾人孰賢孰否觀敘人自國

初以來作者幾人孰先孰後熙寧而後所易兵制善於古否建炎而後所增稅賦安於民否水利何為而便役法何為而病是非得失之迹廢興沿革之由安危理亂於是乎在一言去取萬世取信

鴈蕩序述 鴈蕩山序云樂清縣鴈蕩諸山在焉難以殫載校書郎張望之有記郡丞謝升俊有圖樂清縣丞洪藏有賦紀述摹寫皆極形容之精然猶有未盡薛寺丞季宣復為賦以備足之

婺州碑記

八詠碑

沈約文舊本在仁風堂新本在八詠樓

陋室銘

不知在何所政和中郡民至龜頭土城上茅

棘中見一頽石其色如鐵面平可坐因刮拭之髣髴

有字題曰陋室銘唐劉禹錫文其詞曰山不在高有

仙則名水不在深有龍則靈斯是陋室惟吾德馨苔

痕上階綠草色入簾青談笑有鴻儒往來無白丁可

以調素琴閱金經無絲竹之亂耳無案牘之勞形南

陽諸葛廬西蜀子雲亭孔子云何陋之有今其碑在

明月樓下

通判廳蘭亭記 其碑甚古

大廳再建記 唐廣明二年

赤松巖寺碑 唐垂拱四年

廬府君碑 唐大中十一年

俱胝石幢記 唐咸通十年

武威侯廟記 唐廣明元年已上並在金華縣境

杜叔倫去思碑 晏公類要云在東陽縣前達州刺史

陸長源文

涵碧亭記 在東陽縣唐寶曆二年

法華寺碑 唐會昌三年在東陽縣

智者法師碑 及本生寺碑在義烏縣界梁太子綱文

善慧大師碑 陳大建五年

善知閣黎碑 陳大建五年

惠集法師碑 陳大建六年

還珠碑記 唐元稹文

轉輪經藏碑 唐咸通八年

重雲大師真身碑 唐乾符三年

普濟院碑 周顯德三年 已上並在義烏縣

聖壽寺碑 唐綦毋潛文

和安寺碑 唐邵朗文

東峯亭記 唐馮宿文在蘭溪團寺

萬安縣碑 晉天福八年

永寧院碑 周顯德四年 已上並在蘭溪縣

千歲和尚碑 開元二年在浦江寶嚴寺

左溪大師碑銘 唐李華文在浦江縣

明昭院壽塔碑 周廣順二年在武義縣

鶴巖院碑 清泰

闕年

義烏真如寺耶律年號 寺在義烏縣西南一百八十

步東陽志云吳越錢氏會同十年建洪邁隨筆載錢

氏有年號三曰寶大天寶保正而無所謂會同象之

謹按會同乃契丹年號東都事畧契丹傳載遼主德
光以天福三年改元會同至開運四年南牧歷年圖
載天福二年歲在戊戌而會同十年歲在丁未自戊
戌至丁未整整十年意者錢氏奉德光之正朔則丁
未之歲乃契丹會同十年故用其紀元耳十國紀年
吳越王錢弘佐傳云開運四年正月遼陷京師稱會
同十年而馬殷傳止書云開運四年契丹犯闕中國
兵亂貢賦不通而不書會同年號是湖南諸國不用

會同年號而吳越獨用會同年號故也

吳越寶大年號 東陽志云觀音寺大殿有梁吳越寶

大二年立象之謹按通鑑後唐明帝天成二年吳越王錢鏐以中國喪亂朝會不通改元寶正其後復中國乃諱而不稱今觀音寺之題梁皆已削去年月寺僧去吳越改元後用中國正朔故諱其事而削去與通鑑所書相應寺却有銅鐘題曰寶大二年歲在乙酉置

張巡許遠雙廟碑

嘉泰甲子余謁郡侯南康李公景

和見其追逮土偶械繫於庭問其罪則曰李侯家眷
為祟所擾故加之罪杖之溪許投土偶於深淵絕其
廟食未嘗不重李侯之果決也及予之郊外聽輿人
之誦曰此廟非他即唐張許之祠也郡侯意其烹愛
妾而無所歸旋擾其室既伏其罪而怪亦絕余獨念
張許置廟始末郡志無所經見志乃洪公邁銓次必
不逸書予固未能釋然後予繙閱故書見唐張巡傳

載許遠子玟為婺州司馬柳子厚南公廟碑載南霽
雲子承嗣為婺州別駕今婺之雙廟與倅解隣意者
南許二子之所立乎予既叅祈公之史考柳子之記
又不能不譏李侯之太果而誚洪公之畧也反覆張
許之事以嘆其捐軀以蔽江淮而當時議者反以睢
陽食人為二子罪巡烹愛妾以激士衆而後世乃以
其鰥居而為廟食之累甚矣忠臣之不遇世自李翰
作傳以表其事而當時之異論始息予不量其謏薄

欲強引史傳以證其廟食之始末視李翰為難矣昔韓文公謂張許子弟材不足不能通其父志由今日觀之廟存而無所記豈特不能通其父志于當時而已哉昔我朝章聖皇帝東巡過雙廟留駕徘徊著金刻石贊明厥忠而司馬公光嘆顏杲卿張巡之徒世治則擯斥外方抑沈下僚世亂則委棄孤城虀粉寇手何為善之不幸而朝廷待忠義之薄耶我聖朝君臣待忠義之意如此惜不及見洪公李侯而一洗

之也

處州碑記

追魂碑 在松陽永寧觀唐故有道先生葉公碑李邕
撰并書法善之祖也世傳法善求邕書不可得夜追
其魂書之俗謂之追魂碑恐未必然人愛其字摸打
不已黃寇潛毀之有銅鍾宣和間遭寇焚熟烈焰中
竟不銷爍聲亦不減若有神護然

唐李繁孔子廟記 唐元和中刺史李繁建孔子廟韓

愈為之碑杜牧書其碑陰遭亂不存宣和中知州黃
徐光模刻於學而碑陰猶闕

有唐贈歙州刺史葉公神道碑 李邕撰韓擇木八分

書其石運自雲川擊之鏗然有聲今在麗水縣北一
百二十里冲真觀中

李邕書大唐開悟之寺 在龍泉之薦福院

黃帝祠宇篆額 唐李陽冰篆在仙都山

縉雲縣城隍廟記 集古錄云唐李陽冰撰并篆陽冰

禱雨因移建於山上碑以上元二年立

刺史李鋁送行記 貞元中李為刺史朝士之贈行者

二十三人石刻今存

唐青田縣尉楊光于作隱難記 在麗水縣北六十里

之東岩大畧言袁晁黃巢之亂民避難於此獲免者
甚衆

好道廟碑 在麗水縣東十里唐大中十年刺史段成

式作廟記今存

陳松司馬墓碑

在麗水縣西四十里郎其山下乾符

二年卒葬於此碑及銘記並任省公文

李陽冰修夫子廟記

在縉雲記云上元元年縉雲令

李陽冰修文宣王廟換夫子之容貌增侍立之九人
其餘六十二子圖於屋壁據陽冰記云增侍立之九
人蓋獨顏回坐而餘九人為立像矣

李陽冰忘歸臺銘

在縉雲之吏隱山

李氏窪樽銘

在縉雲之吏隱山

李陽冰篆倪翁洞之三字 在縉雲縣東平里之倪翁

洞

阮客洞詩 在縉雲縣東九十里石室鐫李陽冰詩

隱真洞劉先生塑像贊 在縉雲東二十八里隱真洞

其碑見存

李陽冰篆初暘谷三字 在縉雲之仙都山

衢州碑記

古碑 信安記文其最古者徐偃王廟則韓退之西楚

霸王廟則賀蘭進明信安王諱石橋詩則嚴綬女樓
之易東武則崔耿若陸變于舉之偃王碑碣皆漫缺
不可讀

唐元符六年僧沖莅開山文樞碑銘 在西安之子湖
定業院

唐則天書明果寺 在西安縣北玉泉鄉明果禪寺額
唐白居易大徹禪師傳法堂記 在西安縣北安縣鄉
明果禪師院

後唐清泰中吳中丞所書發願文 在常山縣西十里

福田院

唐杜荀鶴及禪月大師貫休留題 在龍游之石壁院

石橋詩刻記 唐廷評嚴綬

瑞魚銘 張子壽集賀衢州進古銅器表云伏見衢州
所進瑞魚銘等神物瓌奇形製純古魚為龍像既彰
受命之元銘作芝文果表錫年之永河圖舊事無以
加之

徐偃王廟碑 韓愈撰

徐偃王後記 唐于皋作後記今在靈山廟中

雙檜堂記 開寶間吳越刺史謹知禮撰

吳越國王墨帖 在保安院

信安志 毛憲序

建康府碑記

吳紀功三段石碑 天璽元年皇象之書今存府治紬

書閣前集古錄謂之皇象

晉王祥墓碑 在江寧縣之城西南何城寺之北有古碑斷缺不全

謝安墓碑 東晉事云謝安墓前惟立一白碑蓋當時難述其德耳

王羲之蘭亭記 在三段石後壁

太宗碑 顏魯公書

顏府君碑 顏魯公書並在闕學

卞壺墓碣 南錯 在忠烈公墓下

陶隱居墓碑

熙寧中金陵丹陽之間有盜發塚得隱

起碑於塚中讀其書知山中宰相陶隱居墓也其文

尤高妙王荊公因書遺金陵天慶觀黃冠遂以入石

陳景陽宮井欄石刻

唐人書今在行宮歐陽公云

晉王廣書戒哉戒哉字已不成象之觀書擒虎則失

虎字世民則作世皆避以唐諱則知為唐碑

唐棲霞寺記

陳江總作碑唐高宗御書額至今猶存

今見在攝山寺中去城四十有五里

唐棲霞寺銅像背記 唐景龍二年又寺中徐鉉書古

跡甚多

唐徐鉉紫極宮司命殿記 在天慶宮

徐鉉蔣帝廟碑 在蔣山廟

南唐追封慶王碑 在樓湖橋東南路側 已上並在建

康城中及上元江寧界內

吳太極左仙翁葛公碑 唐調露二年重建

梁許長史舊館碑 陶弘景立天建十七年建在玉宸

觀

梁太元真人碑 孫文韜書

梁許長史舊壇碑 陶隱居詩又有梁九錫文孫文韜

書

陶隱居帖 在玉宸觀

陶隱居墓銘 自撰

陶隱居墓誌 梁昭明太子撰

華陽頌 陶隱居文唐天寶九年立

義和寺額 梁昭明太子撰

陶隱居碑銘 邵陵王綸撰

陶隱居碑陰 司馬道隱子微書

唐紫陽觀王先生碑 唐總章二年立

唐崇禧觀碑 太極元年立

唐明皇受籙碑 在崇禧觀

唐玄宗授上清籙碑 在華陽洞

唐句容令岑公德政碑 景龍二年

唐禁山碑 太和七年今在玉宸觀

唐玉清觀四等碑 開元十五年

正白先生碑 梁邵陵王綸撰今在玉宸觀

祠宇宮白鶴廟記 大曆十三年

唐元靜先生碑 顏真卿書大曆二年又云在紫陽觀

大曆七年

唐韋君碑 正元三年立在玉宸觀

唐聖祖碑 寶曆二年

孔子尹真人贊皇公三碑 寶歷二年

唐張孝子旌表碣 咸通十三年

唐茅山孫尊師碑 李德裕文今在玉宸觀

題陶隱居銘 唐保大十四年

青元觀殿碑 唐保大十五年

下泊宮記 王師簡文

元素先生碑 徐鉉撰在玉宸觀

唐紫陽觀碑 徐鉉文在玉宸觀

騎省石 在句容縣治

唐許長史丹井銘 徐元文在玉宸觀

故闕 傳太師王君碑 徐鉉文 已上並在句容縣界

溧陽長潘元卓碑 後漢光和四年今在尉廳

唐潘城寺碑 劉驩文在縣西九十里

唐禮部侍郎劉府君神道碑 裴度撰今在欽賢亭

校官之碑 後漢元和四年立洪邁夷堅癸志云其石

淪於固城湖中紹興十一年溧水尉喻仲遠得之輦

置廳事之側蓋相距六百九十三年今在縣圃已上
並在溧水縣界

西漢趙禹廟記 唐中和三年

後漢溧陽侯史公神道碑 景龍四年立

晉廬陵太守呂府君神道碑

晉冠軍將軍史爽墓石柱刻

梁兗州刺史史府君墓石柱刻

唐宣州溧陽縣永仙觀元宗先生碑銘 開元五年

城隍廟記 開元十七年在舊縣城

唐祭酒史公之碑 李陽冰篆額

重換司空廟殿記 唐會昌三年

史祖廟禱雨記 南唐昇元三年 已上並在溧陽縣界

宋宗懋母夫人墓誌 碑以大明六年立自此以下圖

經不載而旁見他書者今附見焉

齊海陵王墓誌 南齊謝朓立石在江寧齊明帝廢其

兄鬱林王而立之在位一年又廢為海陵王

華陽王先生碑

唐于敬之撰王元宗書以乾符二年

立在茅山

王法主碑

道士江旻撰徐碩書碑以貞觀十六年立

在茅山

陳尼慧仙碑

陳景哲書以天嘉元年立

梁智藏法師碑

梁蕭幾撰序蕭懌撰銘蕭挹書以普

通中立

梁茅君碑

道士孫文韜書道士張擇集以普通三年

立在茅山

王法主碑 唐劉禕之撰齊懷壽書碑曰昇真以文明
元年立在茅山

張常洵碑 唐貞元五年旌表張常洵勅一道并紀孝
行碑高孚撰旌表碣贊承瓌撰

王師乾神道碑 唐楊綰撰張從申書碑以大厯十三
年立在句容縣

鍾山林下集序 唐石洪撰以貞元七年立

華陽頌 梁陶弘景撰崔元亮長慶三年游山題記附

在茅山

司空殿記 司空光武時人碑以會昌六年立在溧山
副元帥廳階記 唐嚴伋撰大厯四年刻在金陵

三茅山記 唐人書太和三年立

茅山三像記 與崇元聖祖院一體書李德裕旣建聖
祖院并立立元皇帝孔子尹喜三像以寶厯二年刻
在茅山

崇元聖祖院記

唐賈餗撰徐挺古八分書寶曆二年

立在茅山

賜李鍊師詩詔

唐道士任良友書元宗所賜詩凡三

首貞元十四年刻石在茅山

景陽井銘

井銘有二其一隋煬帝所作其一張著撰

仙壇山銘

道士宋文翰以山石自然因立壇其後岑

仲琢石為像碑以聖曆三年立在溧水縣已上並見

集古錄

江南秦淮石志 皇朝類苑江南保大中浚秦淮得石

志按其刻有大宋乾德四年六字餘磨滅不可識諸
儒叅驗乃輔公祐反江東時年號

溧陽瀨水貞義碑 李白文

徐鍇篆字題名 在中茅峰石上荆公有詩百年風雨
草苔昏尚在當年墨法存祇恐終隨嶧碑盡西風吹
燒滿秋原

建康志 史志正序 建康續志 朱闕編吳琚序

太平州碑記

吳陶墓墓碑

在當塗吳山晉陶氏亦有墓碣見存

晉楊府君墓碑

名亮弘農人桓溫破姚襄亮杖策來

歸後為雍州刺史卒今有石碑二一在泊山一在河
間碑陰各有巴蜀故吏姓名合五百人太守楊倓惜
其斷裂徙置郡學

李白天門山銘

在天門山

水心院石幢記

在蕪湖縣西二里寧淵觀初為水心

院有廣明間石幢記

羅泰石城記 在當塗東二十里慈湖鎮之北磯上有
界牌二字乃唐刻也

陶府君大舉德政碑 在當塗縣東六十里丹陽鎮南
之禪那院乃唐僧所撰永昌元年己丑建碑今存

禪惠院記 在當塗東十七里禪岳山有咸通二年記
刻石山頂

廣濟院石幢 在蕪湖縣北四十里院門外有兩石經

幢一題曰大中十二年一題曰乾符六年

東能仁院水陸會記 在蕪湖縣東院有南唐水陸會

記

演教院碑 在繁昌縣東二十里院有古牌上有長慶

二字

太平州詩南州集 林楠序

姑熟志 楊倓序

寧國府碑記

題疊嶂樓詩 南齊謝朓

題疊嶂樓壁 唐獨孤霖

敬亭山梓府君廟題名 高璩

題梓府君廟詩 李太白司空圖

良吏記 陳簡甫題開元良吏六人

祭敬亭山文 鄭薰又碑陰文杜宣猷

重修敬亭廟記 張延嗣

梓府君神祠記 崔龜從

新修梓府君廟記 劉仲約大中二年

新興寺碑 盧肇書在縣北敬亭山大中二年相國裴

休建

禪定寺通公碑 嚴綬

新興寺新條勅 裴休

新興寺經閣帖 裴休

白龍寺經幢 在水陽鎮開成元年

石中丞廟斷碑 廟在子城南石中丞仲覽宣州人

魯府君廟碑 在宣城縣南六十里廟有斷碑載武德

六年魯之崑以宣城降

沖妙觀斷碑 在宣城縣東二十里會昌中立

新興寺羅漢碑 徐善

福田寺經幢記 大厯中崔龜從

薛公去思頌 崔巨

築新城碑 韓熙載撰碑陰林仁肇

送二王詩 李後主

徐知證墓碑 在宣城四十四里

重修宣城縣廨宇記 朱珣

開元寺大殿記 孟拱辰

多寶佛塔記 孟拱辰

東禪院法華經記 孟拱辰

新興寺藏記 唐天祐二年僧浩澄 已上並在宣城縣界

南陵修大農陂記 韋瓘

涇縣廳記 薛文美

水心寺碑 唐宣宗

孔子廟記 徐鉉

東峯亭記序 在涇縣西二里唐永泰中李廣琛將兵
討石寇告捷賦詩劉太真為之序今刻石存焉 已
上並在涇縣界

唐宣州響山新亭新營記 權載之撰云元和二年今
宣城長帥路應造

賀蘭夫人墓誌

集古錄云唐陸贄撰并書碑正元七

年立

宣城志

郡守趙希遠序李兼編

宣城詩

唐人已前詩篇失編集人姓名

徽州碑記

興唐寺碑

唐呂渭文在歙縣

越國公廟記

唐江台符文在歙縣

問政先生碑記

唐順義中方詠文在歙縣

歸真觀碑

江南徐鍇文在歙縣

漢洞院碑

在歙縣新安志云今院中有南唐鐫大中

碑

婺源縣古縣記

見新安志本縣沿革下

州縣碑額

容齋續筆徽州之山水清遠素無火災紹

興元年添差通判盧瑑悉以所作隸字換郡下扁榜

自譙樓儀門凡亭榭臺觀之類一切趨新郡人謂字

多燥筆而於州碑尤為嚴重私切憂之次年四月火

起於郡庫經一日兩夕乃止官舍民廬一空

歙州折絹始末 皇朝類苑五代方鎮割據多于舊賦之外重取於民國初悉皆蠲正稅額一定其間或有輕重未均處隨事均之福歙州稅額太重福州則今以錢二貫五百折絹一疋歙州輸官之絹止重數兩太原府輸賦全除乃以減價糴米補之往往疑福歙折絹太貴太原折米太賤又原居仁言行錄云歙州五季為偏方夏稅特重祖宗故輕之他郡輸納率以

十二兩惟歛十兩比歲戶部謂不中度却之以為擾
孝宗欲仍舊貫而慮輸有輕重吏得病民每十二疋
符蠲其二

新安志 羅願疏

信州碑記

南巖古篆 上饒志云弋陽縣北三十里有石壁鐫古
篆二十三字書跡甚美

唐人大篆 洪芻山水記云貴溪王表岩有會昌中唐

人大篆題名

唐元和碑 在永豐之寶積院蔣穎叔詩云舊碑聊一讀惟有記元和

草衣寺記 在城下南崑有唐權德輿記

南唐欽道觀記 在永豐縣觀舊名黃陽觀有朱軫所為記乃南唐徐鉉八分書徐鉉篆額今碑在縣治

龍紀中雄石鎮請僧帖 在貴溪之資國寺象山陸九淵子靜有跋語辨其真偽唐龍紀時帖由龍紀之元

距紹熙辛亥凡三百有三年云

王荊公信州興造記 晉陵張公治信之明年皇祐二

年也夏六月乙亥大水降於是募人城水之所入闕

垣郡府之缺考監軍之室司理之獄營州之西北亢

爽之虛以宅屯駐之師除其故營以時教士刺伐坐

作之法故所無也作驛曰饒陽宅曰回車築二亭於

南門之外左曰仁右曰智山水之所附也梁回十有

二舟于兩亭之間以通車徒之道築一亭于州門之

左曰宴月言所以屬賓也凡為城垣九千尺為屋八
以楹數之得五百五十二自七月甲午卒九月丙戌
為日五十二為夫一萬一千四百二十五

洪芻遊洞記 曲盡一郡山川之景皆洪所身親而足
歷者也今附上饒志卷末

唐曹君墓碑 容齋五筆云慶元三年上饒尉陳莊發
土得碑乃婦人為夫君所作君姓曹名因祖父皆仕
於唐高祖之朝惟公三舉不第居家以禮義自守及

卒於長安之道朝廷公卿鄉隣耆舊無不太息惟予
獨不然謂其母曰家有南畝足以養其親室有遺文
足以訓其子肖形天地間範圍陰陽之內死生聚散
乃世態耳何憂喜之有哉予姓周氏公之妻室也

上饒志 趙蕃編 中序

池州碑記

大廳碑記 元和八年齊暎為守日建裴晉公作記于
廳壁今不存又韓贄文竇滂文

刻漏記 杜牧文

夫子廟麟臺碑 韋應物文

紫極宮碑 徐鉉文

康濟廟記 在建德徐鉉為之記

昭惠廟墨勅 昭惠廟在銅陵神姓張名寬嘗任晉陽

太守唐裴休以墨勅贈遊擊將軍又以墨勅封保勝

侯及保勝公今三勅俱存昭惠廟

開講詩 集古錄輩疇為講老子而作咸通九年楊岩

刻石立於舊翠疇之所居

馬當山銘 陸龜蒙文有云言天下之險者在山曰太行在水曰呂梁合二險之為一吾又聞乎馬當彼之為險也屹乎大江之旁怪石憑怒跳波發狂日黯風助摧牙折檣幸而脫死神魂飛揚殊不知堅輪蹄者夷乎太行仗忠信者通乎呂梁使舟楫者行乎馬當合是三險而為一未敵小人方寸之包藏

題玄宗御書記 集古錄唐張說題元宗御書碑御製

書字并年月記及模勒刻字人姓字說所題者大慧
禪師塔碑也侍岩記李方玄撰李宗書會昌四年刻
杜牧題名者牧為池州刺史立左史洞之名而題之
張祐書會昌五字刻在池州今同附於後

唐孚貺侯廟碑 容齋四筆云在銅陵縣唐中和二年
立

池陽前集 吳蔚張古序

池陽續集 崇寧中畢漸序

池陽前記 政和八年范政明編

池陽後記 建炎四年張古序

秋浦志 胡兆序

饒州碑記

饒州刺史碑 容齋三筆云饒州良牧自吳至今以政績著名者有九賢郡圃立祠以祀此外知名者蓋詳白樂天集有吳府君碑

唐紫極觀鐘銘 在城紫極觀天寶九年上半年官經野文

唐薦福寺庄田記 乾興元年僧志全文

唐能仁寺菩薩堂記 南唐邊錫文

唐薦福寺碑 冷齋夜話云范文正公守饒有書生獻

詩甚工生自言平生未嘗飽時歐陽率更薦福寺碑

墨本直千錢文正為打千本使售京師紙墨已具一

夕雷擊碎其碑坡詩一夕雷轟薦福碑蓋謂是也

唐饒娥碑 唐柳宗元文云饒姓娥名世漁鄱水娥為

室女女事循整鄉閭式敬寶應中父醉漁溺死求屍

不得娥走哭水上三日不食耳鼻流血氣盡伏死明
日屍出黿魚鼉蛟浮死萬類縣旁小民悲感怨號會
錢具葬娥于鄱水西橫道上宗元為之記云

唐魏仲兕饒娥碣

在樂平

唐魏愔饒娥碣

在樂平

南唐雙溪觀記

在安仁乾德二年葉密文

唐自鳴山記

在安仁唐咸通十年歐陽證

吳羅漢寺記

在安仁偽吳順義六年

羅漢贊同

上

玉石寺記 在安仁唐逢汝舟文


都頡亡談 容齋五筆云鄱陽素無圖經元祐六年餘
干進士都頡作亡談一篇其序士風土物則張仁有
篇徐濯有說顧雍有論王德璉有記其所引張徐顧
王所著今不復存

鄱陽志 史定之序

柳將軍墓碑 在安仁唐咸通六年

柳子厚與元饒州書 見柳文

鄱陽舊志



六藝之一錄卷一百二